



## Kagitauyakuugutikhanik Tuhaktigutit Ukakatiginiktainik CRTC 2025-10

Ottawami, 16mut January 2025

*Titigagutikhangit Tuhaktakhait: 1011-NOC2025-0010*

### **Kinikhiayut ukaktukhanik – Iniktigutikhait niuvikvikhainik kagitauyanik ikayugutikhainut manikhanik Ukiuktaktumi**

**Uminiaktut tuniyakhait tuhaktiyumayunut: 18mi February 2025**

**Umiktigutikhait tuniyakhainut kiutjutait: 28mi February 2025**

[\[Stunilugit tuhaktiyumayainik ovaluniit Ihumagiyainik mikhaanut makpigaat\]](#)

#### **Naituutait**

Kamisitkut ikayuktut angiyumik uktugutikhainut Kavamatukatuni, Pravinsini ovalo Nunangani Kavamatkuit ikayugiaganik nakuuyumik, akituvalaangitumik ovalo kayumiktunik tuhaktigutikhait atugutikhainut tamaat Kanatami. Hamnai havaangit ikpinagiyayut Ukiuktaktumi, nani avaliitut nunalaat, Inugiaktivalaakhimaitut ovalo nunanganut ayokhagutigilikpaktait ovalo akituvulutik hanayaanganik ovalo munagiyaanganik tuhaktigutikhait atugutikhainut. Akitukpiagutait tuniyaanganik tuhaktigutikhait ikayugutikhainik ukiuktaktumi akituktivaktait akiit aalanganit ilanganut Kanatami, atugutikhait kagitauyakuugutikhait akituvalaalikpaktut amigaitunut Ukiuktaktukmiunut.

Ihuakhiyaanganik akituvalaangitjutait Ukiuktaktumi, nani inuuyaanganik akituyut ovalo anginikhaanguyut aalanit Kanatami, Katimaitkut angihimaliktait tuhaktigutikhainik niuviktigutikhait kagitauyakuugutit ikayugutikhainik Hivatauyalikiyinu Maliktigutikhait Pikuyakhait 2025-9. Tamamik iglukatigiit ukiuktaktumi pilaaniaktut ikayugutikhainik nakuuyumik Ukiuktaktukmiut ovalo ikayuklugit mikhitigutainik akiit kitkanit Kagitauyalikiyit ikayugutikhait atuktainut ilangani aviktukhimayunut ovalo aalanut Kanatami.

Kamisitkut autlaktinahuaktut hafumanik tuhaktigutikhainut kinikhialutik ukagumayunut kanuk iniktilaaktut hapkoa ikayugutikhait. Ilaa, ihumagiyait ukagumayainik titigakhimayut hamani “Kinikhiayut Ukaktukhanik” ilangani hamna tuhaktigutit. Tuhagutikhait kanuk ilaulaaktut naalaktiligumik nanilaaktut iniktigutaini hamani tuhaktini.